



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Lvitprandi Ticinensis Diaconi Opvscvlvm, De Vitis
Romanorvm Pontificvm**

Liutprandus <Cremonensis>

Mogvntiae, 1602

LXX. S. Devsdedit.

urn:nbn:de:hbz:466:1-11115

S. DEVS DEDIT.

A.DCXIV.

DEVS DEDIT, natione Romanus, ex patre Stephano subdiacono, sedit annos 3. dies 30. Hic Clerum multum dilexit, & sacerdotes, & cæteros clericos ad pristina loca reuocauit. Huius temporibus mense Augusto fuit terræmotus magnus. quem secuta est clades, & grauis percussio scabierum, ita ut nullus mortuum suum posset agnoscere. Gordianus Episcopus Hispaniensis Ecclesiæ litteris ad prædictum Papam directis de viris & mulieribus, qui nescientes pro magno populorum incursu Paschali Sabbatho filios à fonte baptismi suscepérant, ipsum consuluit, si iam ad proprium suum usum redire debeant? Qui in Ecclesia Isauriæ & Hierosolymæ, & in multis aliis Ecclesiis talia olim euenisce dicit, & antecelfores suos Iulium, & Innocentium, & Calestinum cum plurimorū Episcoporum conuentu talia prohibentes præscripsisse asserit, ut nullo modo iam se in coniugium reciperen mulieres & viri, qui per quancunq; rationem susciperent natos, sed separarent se, ne suadente diabolo tale vitium peccati inolescat per mundum, & universorum error accrescat. Addidit ad hoc, dicens. Scitis, quia quod modo sunt septem dona Spiritus sancti, ita sunt septem dona baptismatis, à primo abculo salis sacrati, & ingressu sanctæ Ecclesiæ usq; ad confirmationem sancti Spiritus per christma. Ab hoc ergo * Spiritus sancti dono usq; ad septimum * primo Spir. nullus Christianus suam commatrem in coniugium recipere debet: & qui præsumperit anathematis vinculo religetur in perpetuum, nisi pænitentiam egerit dignè. Mulieres verò, cum separata fuerint hac pro * illicitatione à propriis viris, totam præcipimus recipere dotem, quam in die nuptiali receperunt, & post expletum annum recipient alium virum, si voluerint. Similiter & vir uxorem.

LXXI.

BONIFACIVS V.

A. DCXVII.

BONIFACIVS, natione Campanus, de ciuitate Neapoli, sedit annos 5. menses 10. Hic constituit, ut testamentum secundum Principis iussionē valeat. Constituit etiā, ut nullus violenter de Ecclesia auferatur. nec aliquis, nisi presbyter sanctorum Martyrum reliquias de Ecclesia leuare præsumat. Fuit vir mitissimus, & amavit Clerum. Hic ordinauit Episcopos 29. presbyteros 26. diaconos 4. Qui defunctus est 8. Kalend. Nouemb.

M

LXXII.